



ADDENDA AO CONVENIO DA SUBVENCIÓN NOMINATIVA OUTORGADA POLA EXCMA. DEPUTACIÓN PROVINCIAL DE LUGO Á UNIVERSIDADE DE SANTIAGO DE COMPOSTELA (ANO 2018)

En Lugo, a de de 2018

REUNIDOS

Dunha parte, don Darío Campos Conde, presidente da Excma. Deputación Provincial de Lugo, con CIF P-2700000I e sede social en Lugo, rúa San Marcos 8, actuando en nome e representación da citada entidade, segundo dispón o artigo 34 b) da Lei 7/85, reguladora das bases de réxime local e, no seu nome, don Álvaro Santos Ramos, deputado delegado da Área de Goberno Interior e Relacións Institucionais en virtude de delegación de sinatura aprobada por Resolución de data 24 de febreiro de 2017.(Decreto nº0402/2017).

E doutra *don Antonio López Díaz*, con NIF: 76.565.571-C, na súa condición de representante, actúa en nome e representación da Universidade de Santiago de Compostela, en adiante entidade beneficiaria, con CIF: Q1518001A, e con sede social no Edificio CACTUS, Campus Universitario de Lugo, 27002 Lugo, con acreditación suficiente para a celebración deste acto.

Ante *don Manuel Castiñeira Castiñeira*, que actúa como Secretario en funcións da Deputación Provincial de Lugo.

Ambas as partes recoñécense mutuamente capacidade xurídica necesaria para a formalización do presente convenio de subvención excepcional aceptándose reciprocamente as representacións en cuxa virtude actúan, de común acordo.

MANIFESTAN

Primeiro.- Con data 7 de setembro de 2018 asinouse un convenio entre don Álvaro Santos Ramos, por parte da Deputación de Lugo e don *Antonio López Díaz*, en representación da Universidade de Santiago de Compostela.

Segundo.- O convenio ten por obxecto regular a subvención nominativa, a favor da Universidade de Santiago de Compostela, para financiar los gastos derivados del proxecto denominado “Actuacións e desenvolvemento de actividades Micoturísticas no Xeodestino Ancares-Courel”, para o ano 2018.

Tercero.- O citado convenio contempla, por unha banda, na cláusula **novena**, a posibilidade da súa modificación mediante addenda, co seguinte tenor: “*Calquera modificación e/ou ampliación do presente convenio efectuarase por acordo entre as partes, mediante a subscripción da addenda de modificación respectiva*”. E, por outra banda:

- Na cláusula **segunda**: “*Considéranse gastos subvencionables os que de maneira indubidable respondan á natureza da actividade subvencionada, resulten estritamente necesarios e se realicen dentro da anualidade*”.

- Na cláusula **sexta**: “*Unha vez finalizada a actividade, acción ou actividade, a entidade beneficiaria deberá xustificar a realización da finalidade da actividade subvencionada, como máximo (...)*”.

- No **Anexo III**, no **apartado de gastos subvencionados**: “*Considéranse gastos subvencionados aqueles que de maneira indubidable respondan á natureza da actividade subvencionada, resulten estritamente necesarios e se fagan durante o ano 2018*”; así mesmo, no **apartado gastos realizados**: “*Son gastos realizados, e polo tanto subvencionables, os xustificados na anualidade correspondente e que fosen efectivamente pagados con anterioridade á finalización do período de xustificación, ou á súa prórroga, no seu caso. O gasto realizado debe acreditarse coa presentación das facturas e/ou xustificantes de gasto oportunos, sendo necesario que o dito gasto se atope pagado e que se acredite o seu pagamento*”.

Cuarto.- Que segundo o escrito presentado polo representante da Universidade de Santiago de Compostela, solicítase a ampliación do prazo de execución do devandito convenio ata o **30 de setembro de 2019** e o prazo de xustificación ata o **31 de outubro de 2019**.

Quinta.- Tal petición motiva a modificación de determinadas cláusulas e un anexo do convenio subscrito con data 7 de setembro de 2018, que é preciso formalizar a través da presente addenda, a cuxo estrito cumprimento quedarán suxeitas as partes asinantes.

Por canto antecede, as partes formalizan e subscriben a presente addenda con suxeición as seguintes:

CLÁUSULAS



Primeira.- Compromisos das partes

Modifícanse as cláusulas **segunda e sexta e o Anexo III (apartados: gastos subvencionados e gastos realizados)** do convenio suscrito con data 7 de setembro de 2018, relativas aos gastos subvencionables e a xustificación da subvención, quedando como segue:

“Segunda.- Orzamento de execución da actuación subvencionada e gastos subvencionables

O orzamento total, inicialmente previsto, de execución da actuación ascende á cantidade total de 42.400.00 €, de acordo co presuposto achegado.

A contratación de persoal para o desenvolvemento do devandito proxecto non implica relación laboral ningunha entre estes traballadores e a Deputación, polo que non lle poderá esixir a esta responsabilidade ningunha, nin directa nin subsidiaria, polos feitos acaecidos durante o desenvolvemento das actuacións, obxecto do presente convenio.

Considéranse gastos subvencionables, os que de maneira indubidable respondan á natureza da actividade subvencionada, resulten estritamente necesarios e se realicen entre o **1 de xaneiro de 2018 e o 30 de setembro de 2019.**

Sexta.- Xustificación e aboamento das subvencións

Unha vez finalizada a actividade, acción ou actividade, a entidade beneficiaria deberá xustificar a realización da finalidade da actividade subvencionada, como máximo o **31 de outubro de 2019.** O incumprimento do prazo dará lugar á perda do dereito a percibir a subvención outorgada e, no caso de ter solicitado anticipo, ao reintegro da cantidade aboada en concepto de anticipo, así como as demais responsabilidades previstas na Lei xeral de subvencións e demais normativa de aplicación.

Logo de transcorrer o prazo sen ter presentada a documentación xustificativa, requiriráselle ao beneficiario para que no prazo improrrogable de quince días sexa achegada. O incumprimento deste prazo adicional dará lugar á perda do dereito a percibir a axuda outorgada e demais responsabilidades previstas na Lei xeral de subvencións e demais normativa de aplicación.

A xustificación da subvención realizarase de acordo co disposto no art. 30 e seguintes da Lei 38/2003, de 17 de novembro, xeral de subvencións, no Real decreto 887/2006, de 21 de xullo polo que se aproba o seu regulamento, na Ordenanza xeral de subvencións da Excm. Deputación Provincial e do INLUDES (arts. 19 e s.s.) e na Base 24 das do orzamento xeral vixente. Recolléndose no Anexo III do presente convenio a documentación correspondente á xustificación.

Cando concorra causa de resolución do convenio e existan actuacións en curso de execución, as partes asinantes poderán acordar a continuación e finalización das devanditas actuacións en curso, establecendo un prazo improrrogable para a súa finalización, dun máximo dun ano, transcorrido o cal deberá realizarse a liquidación destas.

Procederá o reintegro dos fondos percibidos, nos supostos de incumprimento da xustificación e dos requisitos e obrigacións establecidas para a concesión da subvención e nos demais casos previstos neste convenio ou na normativa de aplicación.

ANEXO III

Xustificación da subvención

Gastos subvencionados

Considéranse gastos subvencionados aqueles que de maneira indubidable respondan á natureza da actividade subvencionada, resulten estritamente necesarios e se fagan entre o **1 de xaneiro de 2018 e o 30 de setembro de 2019.** Cando no se estableza un prazo concreto, os gastos deberán realizarse antes de que finalice o ano natural no que se concedeu a subvención.

En ningún caso o custo de adquisición dos gastos subvencionables poderá ser superior ao valor do mercado.

Os gastos financeiros, os gastos de asesoría xurídica ou financeira, os gastos notariais e rexistrals e os gastos periciais para a realización do proxecto subvencionado e os de administración específicos son subvencionables se están directamente relacionados coa actividade subvencionada e son indispensables para a adecuada preparación ou execución desta.

En ningún caso o importe da subvención concedida poderá ser de tal contía que, illadamente ou en concorrencia con subvencións ou axudas doutras administracións públicas ou entes públicos ou privados, supere o custo total da



actividade subvencionada.

Gastos realizados

Son gastos realizados, e polo tanto subvencionables, os xustificados entre o **1 de xaneiro de 2018 e o 30 de setembro de 2019** e que foran efectivamente pagados con anterioridade á finalización do período de xustificación, ou á súa prórroga, no seu caso. O gasto realizado debe acreditarse coa presentación das facturas e/ou xustificantes de gasto oportunos, sendo necesario que o dito gasto se atope pagado e que se acredite o seu pagamento.

A entidade beneficiaria deberá atoparse ao corrente das súas obrigas tributarias e respecto da Seguridade Social. A devandita circunstancia deberá acreditarse á sinatura do convenio e ao efectuarse os pagamentos e, en xeral, ao longo de toda a súa vixencia ata a súa total liquidación e extinción. Non se aboará a subvención se o beneficiario non está ao corrente en cumprir as súas obrigas tributarias e coa Seguridade Social ou sexa debedor por resolución de procedencia de reintegro”.

Segunda.- As demais cláusulas e anexos do convenio subscrito con data 7 de setembro de 2018 en tanto non queden afectadas por esta addenda, permanecerán invariables.

E para que así conste, en proba de conformidade, asinan as partes en triplicado exemplar a presente addenda no lugar e data expresados.

O Presidente,
P.D. Decreto n.º 0402/2017, de data 24-02-2017
O Deputado Provincial

O representante da entidade

Álvaro Santos Ramos

Antonio López Díaz

O Secretario en Funcións

Manuel Castiñeira Castiñeira